



ԾՐԱԳԻՐ

# ԿԱՆՈՆԻ ԴԱՏԱՎԱՐՈՒԹԵԱՆ

Ա. Ռ. Ա. Զ. Ի Դ. Ա. Տ. Ա. Ր. Ա. Ն. Ա. Ց

## ԱԶԳԻՆ ՀԱՅՈՑ

### ԳԼՈՒԽ Ա. Ա. Ս. Զ. Ի. Ն.

Յաղագս աղերսից , պահանջմանց ,  
ամբաստանութեանց եւ գրաւմանց մասին  
մատուցանելի գրութիւննք

Յօդուած 1. Պէտք է որ ,

Ա. Ա. Հասարակ ամեն տեսակ ա-  
զերս , բողոք և ամբաստանութիւն գըր-  
ուած ըլլայ կառավարութեան յատուկ  
շրոշմաւոր թղթի վրայ :

Բ. Աղերսագրոյ մէջ գրուած ըլլայ  
դատախազին կամ անոր օրինաւոր փո-  
խանորդին անուններն , մականուններն ,  
արհեստն կամ զբաղմունքն և միանգա-  
մայն իւրաքանչիւրոյ բնակութեան կամ  
զբաղմանց տեղերն , այսինքն՝ թաղերն ,  
փողոցներն , տանց կամ գործատանց  
թիւերն :

Գ. Միանգամայն յայտագրուած լի-  
նի պահանջեալ դրամին , ինչպէս նաև  
դիզեալ տոկոսին (եթէ ունի) քանակու-  
թիւնն , իսկ եթէ պահանջուած բանն  
դրամ չէ , անոր տեսակն և արժէքն և  
տեղն :

Դ. Պէտք է եւս կանխաւ գրուած  
ըլլայ դատախազին կրած վնասուց , ինչ-



պէս նաեւ դատական ծախուց և իւր փոխանորդին հատուցեալ կամ հատուցուելու օրինաւոր վարձուն գրամներն, եթէ պիտի պահանջէ զանոնք :

Ե. Պահանջուած գումարին կամ ո՛ր և է բանին մուրհակաւ, հաշուետումարով կամ ուրիշ ո՛ր և է դրութեամբ կամ եղանակաւ ապացուցանելի լինելն անդամ յիշուած ըլլալու է աղերսագրոյն մէջ :

Զ. Գումարի մը վճարման կամ ուրիշ բանի մը հատուցման մասին՝ ո՛ր և է ազգային դատարանէ մը տրուած վճռոյ մը դէմ բողոքելով՝ վճռաքննութիւն խնդրելու համար մատուցուելիք աղերսագրերն, յօդուածոյս Բ. պարբերութեան համաձայն խմբադրուած ըլլալէն՝ ի զատ, հետերնին կցեալ ունենալու են երաշխագիր մը, ըստ որում՝ յետ վերաքննութեան՝ եթէ աղերսարկու անձն դարձեալ անիրաւ վճռուի, վերաքննութեան դատը վաստկող անձին կրած բոլոր դատական ծախքերը, մսասները՝ տոկոսները և փոխանորդին (եթէ փխանորդ ունէր) օրինաւոր վարձքը վեճարելու համար դատապարտելոյն կումէն մէկ կամ աւելի երաշխաւոր ցոյց տրուելու է, և հատուցանելի գումարին քանակութիւնը, կամ բանը և կամ նորաքանակութիւնը, կամ բանը և կամ նորաքանակութիւնը մէջ յայտագրելով՝ ի հարկին իրենց, այսինքն՝ երաշխաւորաց դրամովս, ընչիւք և ստացուածովք իրենց կողմէն վճարելու յանձնառու ըլլալին օրինաւոր իշխանութեան մը առջեւ վաւերացեալ ստորագրութեամբը կամ կնքովը, կամ մատնանիշովը և կամ խաչանիշովը հաստատեալ ըլլալու է. և վերջապէս երաշխաւորաց

ստանձնած հատուցման բաւական կարողութիւն և հարստութիւն ունեցող անձինք ըլլալին վկայութեամբ կամ իրօք ապացուցուած լինել պէտք է :

Երբ մատուցեալ աղերսագրի մը խմբագրութեան մէջ վերոյիշեալ օրինական պայմաններն չեն պարունակուիր, անընդունելի կ'ըլլայ և հարկ կը լինի ուրիշ մը մատուցանել որոյ մէջ ճշշիւ գըրուած լինին վերոյիշեալ պարբերութեան տրամադրած օրինական պայմաններն :

Յ: 2. Աղերսագիր մը կեդրոնական դատարանաց առջեւ ընդունելի ըլլալու և օրինական գործառնութեանց ենթարկուելու համար հարկ է որ արձանագրութեան գինն և պահանջելի դատական ծախուց կանխիկ մասն վճարուած ըլլալն Դատական Տեսչութեան ընդհանուր քարտուղարին կողմէն նշանակուած լինի աղերսագրոյն վրայ, և եթէ Դատական Տեսչութեան հաւանութեամբ կամ գիտութեամբը անվճար մընացած ըլլալուն օրինաւոր պատճառ մը ըլլայ, նոյնպէս պէտք է նշանակուի :

Իսկ Թաղային Հաշտարար Դատարանաց յանձնուած խնդրոց և վէճերու համար Հաշտարար Դատարանաց պահանջելու դատական ծախուց վճարեալ ըլլալը նոյն Դատարանաց Դիւանադրպերաց կողմէն նշանակուի, և եթէ անվճար մնալուն օրինաւոր պատճառ մը ըլլայ, սոյն պատճառն Թաղական խորհրդոց Դիւաններուն կողմէն վաւերացեալ լինելով աղերսագրոյն վրայ, այնուհետեւ ձեռնարկութիւն լինի խնդրոյն կամ վէճին քննութեանն ու լուծմանը, որպէս զի դատական հասութից հաշիւներն եւս կարենան որոշուիլ:

## ԳԼՈՒԽ ԵՐԿՐՈՋ

Վասն աստիճանաց եւ իրաւասութեան  
Ազգային Դատարանաց

**Յօդ.** 3. Ազգային դատարաններն  
չորս աստիճանի բաժնուած են, և Հայ-  
տարար՝ կեդրոնական՝ Բարձրագոյն դա-  
տարան և Եկեղեցական վիճակային ժո-  
ղով կ'անուանին, և ասոնց միջոցաւ՝ ի  
դորձ կը դրուի Ազգային Դատական իշ-  
խանութիւնն : (Տես Յօդ. 26 Գլուխ Բ.  
Օրինաց Ազգ. Վարչ. Կազմակերպութեան)

**Յօդ.** 4. Թաղային դատարաններուն  
պաշտօնն է՝ իրենց յղեալ կամ յանձ-  
նեալ ինդիրներն ու վէճերը հաշտարա-  
րութեամբ լուծելու աշխատիլ . և երբ  
չյաջողին, տեղեկագրել քննութեանց  
ելքն առ Դատական Խորհրդականն, որ  
կը յզէ զինդիրն առ պատկանեալ Սեն-  
եակն կեդրոնական Դատարանին : (Տես  
Յօդ. 27 Գլուխ Բ. Օրինաց Ազգ. Վարչ.  
Կազմ.)

**Յօդ.** 5. Վարչական Օրինաց 27<sup>րդ</sup>  
յօդուածին տրամադրութեան համեմատ  
՚ի բաց առեալ 35 և 41 յօդուածներով  
տրամադրեալ ազգային պաշտօնակալաց  
և Եկեղեցականաց պաշտամանց վերա-  
բերեալ ինդիրներն, ո՞ր և է վէճ կամ  
ինդիր նախ ամբաստանեալ կողման բը-  
նակած թաղին Հաշտարար Դատարանին  
կը ներկայացուի՝ եթէ անմիջապէս Ա. Դ.  
դային կեդրոնական Դատարանին ձեռն-  
հաս Սենեկին յանձնուելու կարօտ գործ  
մը չըլլայ . և երբ հաշտարաբութեամբ

չվերջանայ գործն , տեղեկագրութեամբը  
հանդերձ՝ այնուհետեւ կը փոխադրուի  
կեդրոնական Դատարանի ձեռնհաս Սե-  
նեկին :

Իսկ երբ հակառակորդք սորա վըճ-  
ոյն մէջ իրենց իրաւանց կամ շահուց  
մնասակար որոշում մը տեսնելով՝ Հա-  
ւանին , կրնան Բարձրագոյն դատարանին  
դիմել՝ յետագայ կանոնաց համաձայն՝  
վճիռը վերաքննել և ուղղել տալու հա-  
մար : (Տես Ազգ. Վարչ. Օրինաց Գ. Բ.  
Յօդ. 27)

**Յօդ.** 6. կեդրոնական դատարանն  
կը բաժնուի երեք սենեկիներու , որք՝  
Ամուսնական , Անհատական և Վարչա-  
կան կ'անուանին :

Իւր պաշտօնն է՝ Զեռնհաս սենե-  
կին միջոցաւ քննել և վճռել ազգ ային  
շրջանակին մէջ տեղի ունեցած մէն մի  
դատերը : (Տես Ազգ. Վարչ. Օրինաց Գ. Բ.  
Յօդ. 31)

**Յօդ.** 7. Ամուսնական սենեկին կը  
պատկանին ամուսնական դատերն : (Տես  
Յօդ. 33. Ազգ. Վարչ. Օրինաց)

**Յօդ.** 8. Անհատական սենեկին կը  
պատկանին բոլոր անհատական դատերն ,  
Դոր օրինակ՝ Ժառանգական , Կտակային ,  
Ընտանեկան , Պատույ և Վնասու հատուց-  
ման և այլ ամենայն անհատական դա-  
տերն : (Տես Յօդ. 34 Ազգ. Վարչ. Օր.)

**Յօդ.** 9. Վարչական սենեկին կը պատ-  
կանին Վարչական Խորհրդոյ և Դատա-  
կան Բարձրագոյն ատենի անդամոց պար-  
տականութեանց և պաշտօնէից վերա-  
բերեալ դատերէն ՚ի զատ՝ բոլոր առաջ-  
նորդական , վանական և թաղային խոր-

հըրդոյ, ինչպէս նաեւ բոլոր ազգային կրօնական և աշխարհական պաշտօնէից, մանկավարժից և դասատուաց պաշտամանց և պարտաւորութեանց, վերջապէս ընտրական իրաւանց և ազգային հրատարակութեանց վերաբերեալ վէճերուն դատերն : (Տես Յօդ. 35 Ազգ. Վարչ. Օր.)

Յօդ. 10. Բարձրագոյն Դատարանն կը բաղկանայ կրօնային և Քաղաքային անուանեալ երկու Ատեաններէ, որք միանալով կը կազմեն զիառն Ատեանը : (Տես Յօդ. 36 Ազգ. Վարչ. Օրինաց)

Յօդ. 11. Կրօնային Ատենին պաշտօնն է՝ վերաքննել կեդրոնական դատարանին վճռած այն խնդիրները, որք զուտ կրօնական հանդամանք ունին : (Տես Յօդ. 38 և 44 Ազգ. Վարչ. Օր.)

Յօդ. 12. Քաղաքային ատենին պաշտօնն է՝ վերաքննել կեդրոնական դատարանին վճռած այն խնդիրները որք զուտ քաղաքական հանդամանք ունին : (Տես Յօդ. 39 Ազգ. Վարչ. Օրինաց)

Յօդ. 13. Խառն ատենին պաշտօնն է՝ վերաքննել կեդրոնական դատարանին վճռած այն խնդիրները որք կրօնական և քաղաքական հանդամանքը միանդամայն ունին : (Տես Յօդ. 40 Ազգ. Վարչ. Օրինաց)

Յօդ. 14. Եկեղեցական վիճակային ժողովն պաշտօն ունի քննել ու վճռել նախ՝ կրօնային ատենին ձեռնհասութենէն վեր եղող ամեն խնդիրները. երկնէն վեր եղող ամեն խնդիրները. երկրորդ՝ կրօնային ատենին այն ամեն վեճիոները, որք Պատրիարքէն կամ կրօնական խորհրդականէն չեն ընդունուած : (Տես Յօդ. 44 և 45 Ազգ. Վարչ. Օր.)

Յօդ. 15. Ազգային դատարանաց իրաւասութեան շրջանակէն դուրս համարուող ամեն տեսակ դատերն կրնան յիշեալ դատարանաց կողմանէ քննուիլ և վճռուիլ, երբ դատախազաց երկոքին կողմանց համաձայնելովն՝ իւրեանց ստորագրութեամբ վաւերացեալ դրութեամբ մը իրենց դատը քննելու և վճռելու համար՝ միջնորդ դատաւորի իրաւասութիւնը տան Ազգային դատարանի մը անդամոց, որոց անունքն ու մականունք, նաեւ խնդրոյն կամ վէճին քննութեան և որոշման համար պայմանեալ դաշինք և յապաղման ժամանակը պարտին ճշգուած լինիլ նոյն պայմանադրութեան մէջ :

Եւ դատաւորք օրինաց դէմ վարուած չեն համարուիր եթէ սոյն եղանակաւ՝ իրքև միջնորդ դատաւոր՝ ստանձնելով դատը՝ քննեն, լուծեն, որոշեն, վճռեն ու վերջացնեն զայն՝ միջնորդ դատաւորաց յատկացեալ օրինաց համաձայն : Վասն զի, նմանօրինակ պարագայից մէջ դատաւորք երկու հակառակորդաց փոխանօրդներն կը համարուին, ըստ 1453 և 1451 յօդուածոց Մէճէլէյի, ինչպէս նաև ըստ տրամադրութեան Դ. ու յօդուածի դատավարական առժամանակեայ օրինաց Օսմաննեան տէրութեան :



## ԳԼՈՒԽ ԵՐՐԱՋ

Փոխանորդաց եւ գործակատարներու  
պաշտօններու մասին

**Յօդ. 16.** Փոխանորդութիւն կամ  
գործակատարութիւն է՝ իրաւունք կամ  
իշխանութիւնը, զոր մէկն իւր գոր-  
ծին համար կուտայ ուրիշի մը, որպէս  
զի իւր անուամբ և իւր տեղը կատարէ  
զայն՝ պայմաննեալ արտօնութեամբք և  
սահմաններով։

Այս գործողութեան էստանորդեւկ'ըս-  
ուի. և վերոյիշեալ իրաւունքը կամ իշ-  
խանութիւնը տուողին էստանորդութեանը և  
ստանձնողին կ'ըսուի էստանորդեւկ' կամ ա-  
ւելի պարզ կերպով էստանորդ։

**Յօդ. 17.** Ո՛ և է անձ մը կընայ իւր  
համարմանն ու վստահութեանը արժա-  
նացած զուրիշ մէկը իրեն համար փո-  
խանորդ կարդել, եթէ փոխանորդն կամ  
գրով և կամ գործողութեամբ ընդունի  
այս պաշտօնը. որ հետեւեալ սահման-  
ներով կամ պայմաններով կընայ տեղի  
ունենալ:

Ա. Փոխանորդարարն կընայ իւր ան-  
ձին սեպհական դրամը, պահանջը կամ  
ուրիշի մը քով գտնուած ո՛ և է դոյքը  
պահանջելու, ստանալու և յանուն իւր  
ընկալագիր և պարտուց հատուցման  
մուրհակ խոալու արտօնութիւնները տալ  
իւր փոխանորդին։

Բ. Փոխանորդարարն կընայ արտօ-  
նել իւր փոխանորդը, որ յանուն և 'ի  
հաշիւ իւր (փոխանորդարարին) դիմէ  
աղդային դատարանաց և մարմնոց, ա-  
ղերսագիր, բողոքագիր և այլ ամեն

տեսակ օրինաւոր պաշտօնական գրութիւն  
մատուցանէ և դատ բանայ ու վարէ Ազ-  
գային ձեռնհաս դատարանաց և ատե-  
նից մէկին կամ միւսին և կամ բոլորին  
առաջն՝ ըստ պահանջից պարագայից։

Գ. Փոխանորդարարն կարող է ար-  
տօնութիւն և իրաւունք տալ փոխանոր-  
դին որ անձամբ դատ վարելով խնդրէ,  
պահանջէ, վաստաբանէ, պաշտպանէ և  
հերքէ առաջի դատաւորաց։

Դ. Կարող է նաև արտօնել զիոխա-  
նորդն 'ի ներկայութեան և կամ 'ի բա-  
ցակայութեան հակառակ կողման դատ  
վարելոյ միայն մասնաւոր որոշեալ դա-  
տարանի մը առաջն՝ ինչպէս կամ միայն  
հաշտարար դատարանի, կամ միայն  
կեդրոնականին այս կամ այն սենեկին.  
կամ միայն Բարձրագոյն դատարանին  
այս կամ այն ատենին և կամ ասոնց  
բոլորին ալ առաջ ըստ պահանջից իրաց  
և պարագայից։

Ե. Նոյնպէս կարող է արտօնութիւն  
տալ փոխանորդին որպէս զի, եթէ դա-  
տարանի մը կողմէն արուած որոշումն  
կամ վնիուն օրինաց համաձայն չի լինի  
իւր շահուց և իրաւանց հակառակ և  
վնասակար լինի, մերժէ չընդունի զայն՝  
և բողոքելով անոր դէմ վերաքննութեան  
համար հաշտարար դատարանէն կեդրո-  
նական դատարանին դիմէ, (Տես Յօդ.  
29 Ազգ. Վարչ. Օրինաց) և 'ի հարկին  
անտի ևս կոչ ընելով՝ վճռաքննութեան  
ձեռնհաս ատենին դիմէ, և, եթէ վըճ-  
ռաքննիչ ատենին որոշումէն ալ դո՞հ չի  
լինի, Սրբազն Պատրիարք Հօր, կամ  
Դատական Ցեռչութեան դիմելով՝ խըն-  
դիւն վճռաբեկ ատենի կամ գերագոյն  
ժողովի մը յանձնել տայ։

զ. Փոխանորդաբարին կընայ ևս արտօնութիւն տալ փոխանորդին, որ նոյն ինքն անձամբ, և փոխանորդն վոխանորդաբար դատի չհրաւիրուած դատարանէ մը արդէն վճռեալ խնդիր մը նորաքննել և որոշել տալու համար դիմէ այն դատարանին՝ որ արդէն որոշում մը տուած է նոյն խնդրոյն, միայն թէ ո՛չ ինքն և ո՛չ իւր փոխանորդն աղերսակից կամ դատակից եղած չըլլան խընդրոյն նախորդ քննութեան և որոշման հաղորդուած ժամերուն :

Ե. Եւ վերջապէս փոխանորդաբարն կարող է փոխանորդին արտօնութիւն տալ վաճառելու կամ ուրիշի մը յանձնելու իւր (փոխանորդաբարին) սեպհական ստացուածքը, գոյքը և վաճառեալ գոյից դրամը գանձելու և ասով վճարելու իւր անձնական պարտքերը, այլոց հետ ունեցած հաշիւները քննելու, կարդադրելու և վաւերացնելու, պահանջից մեծ կամ փոքր մասը զեղիելու, պահանջքը գանձելու համար պարտատիրով վաճառքը, գոյքը կամ կալուածը դըրաւի և աւանդի ներքեւ դնել տալու և առնելիքը վճարուելու համար անոնց բաւական մասը ըստ օրինաց՝ ծախել տալու, դրամն ստանալու և հաշիւը գոյելու, և, եթէ պարաւառո՞ն մնանկանայ, նորին աղադաւ դորձել իւր փոխանորդաբարին պահանջին սլատկանող համեմատական դումարը կամ գոյքը բերելու համար :

Ը. Ամուսնական դատերու մէջ փոխանորդն երդում պիտի ընէ ամուսնացելոց դաշտնիքը, թէ՛ բանիւ բերանոյ, թէ՛ դրով և թէ՛ ո՞ր և է նշանով, և հրատարակել, ուրիշի չհաղորդել,

վճռաքննութեան անդամ չդիմել, մինչեւ որ վերաքննութեան, վճռաքննութեան կամ վճռաբեկութեան բողոքադիր մը՝ ուղղակի գործին տիրոջը ստորագրութեամբ՝ մատուցուելով նկատի առնուիլն որոշուի :

Պէտք է որ փոխարարողք միշտ ներկայ դտնուին դատարանաց՝ ամուսնական դատերուն մէջ :

Յօդ. 18. Նախընթաց 17 ր. յօդուածի պարբերութեանց մէջ յիշատակուած հետապնդումներէն մէկը կամ աւելին և կամ ամբողջը՝ ի գործ դնելու համար փոխանորդին արտօնութիւն տըրուելէ յետոյ, այլ ևս հարկ չմնար իւրաքանչիւր տեսակին վերաբերեալ մասնաւոր հետապնդումները ընելու համար ալ մասնաւոր արտօնութիւններ ստանալու փոխանորդաբարին, այլ կընայ ըստօրինի աղատաբար գործել պարտուղացածը :

Յօդ. 19. Օրինաւոր չեն փոխանորդի մը տրուած այն ամեն արտօնութիւնք, որք հասկանալի կերպով ճշդուած չըլլալով ընդհանուր առմամբ և վերացական ու անհաստատ խօսքերով բացատրուած են :

Ուստի փոխանորդութիւնն՝ օրինաց առջև ընդունելի ըլլալու համար՝ պէտք է ըլլայ որոշ, և փոխանորդաբարն ու փոխանորդն երկուստէք յօժարակամ ընդունած լինին և 17 ր. յօդուածի մէջ հետապնդմանց կամ ամբողջին կամ միայն մէկ մասին համար տրուած արտօնութիւններն պէտք է գրուին և ճշդուին փոխանորդաբարին մէջ, առանց սակայն պարտաւոր լինելոյ մանրամասն

պարագայները անպատճառ յիշելու :

Յօդ. 20. Փոխանորդարարն կարողէ յետակոչել այն իրաւունքները, զորս աըւած է իւր փոխանորդին, և փոխանորդական պաշտօնէն ձգել զնա, եթէ ասոր հակառակ արդէն տրուած պայման մը չգտնուի մէջերնին : (Տես Ա. Մաս 38 յօդուածի)

Յօդ. 21. Փոխանորդարարին մահուամբ կը դադրին փոխանորդին արտօնութիւնքն ու պաշտօնն : Բայց այսպիսի պարագայի մը մէջ՝ մինչև որ ժառանշ դորդք ձեռք դնեն կամ ուրիշի մը ձեռք դնել տան դործին, խնդրոյն կամ վեճին, փոխանորդն պարտաւոր է շարունակել իւր պաշտօնը երբ 'ի մօտոյ կը տեսնէ որ փոխանորդութեան պաշտօնը դադրեցնելէն և չի շարունակելէն պիտի վտանգին ժառանդորդաց իրաւունքն՝ մինչև որ ժառանդորդք ուրիշի մը յանձնեն դործը : (Տես Յօդ. 38)

Յօդ. 22. Փոխանորդին արդիլուած է զինքը փոխանորդողին հաշոյն համար ծախու դրուած վաճառքը, դոյքը կամ կալուածը նոյն ինքն փոխանորդին յանուն իւր դնել և իւր անձին սեպհականել, Այսպիսի պարագայի մը մէջ փոխանորդին պատասխանատու է առաջի օրինաց, և փոխանորդին ծախու առած վաճառքը, դոյքը կամ կալուածը կրնան ետ առնուիլ անկէ և նորէն վաճառուիլ 'ի հաշիւ իւր փոխանորդարարին :

Նոյնպէս արդիլուած է փոխանորդին 'ի հաշիւ և յանուն իւր փոխանորդարարին ձեռք բերած դրամները, դոյքը, իւր անձնական դործոց և շահունքը, իւր անձնական դործոց և շահունքը

կամ այլոց յատկացնել, այլ կը պարտի փոխանորդն իւր դանձած դրամները են. իւր փոխանորդարարին յանձնել և ճշգթութեամբ հաշիւ տալ նմա, ապա թէ ոչ, կը պարտաւորի նոյն դրամին տոկոսն ալ հատուցանել, հաշուելով զայն՝ դրամը կամ դոյքը իւր հաշոյն և շահուն համար դործածած թուականէն սկսեալ :

Յօդ. 23. Եթէ մէկն՝ իւր դործին կարգաւորութեանը համար ուրիշի մը հըռաման կամ արտօնութիւն տայ պայմանաւ մը՝ փոխանորդութեան սահմանափակ իրաւունք մը տուած կը լինի, և փոխանորդն փոխանորդարարին այս առաթիւ կրած վնասը, եթէ հաստատուի, տուժելու կրնայ պարտական ըլլալ, եթէ ստանձնած հրամանին և պայմանին հակառակ դործէ :

Յօդ. 24. Փոխանորդութիւնն կրնայ տրուիլ կամ օրինաւոր իշխանութեան պաշտօնատեարց առջև կամ փոխանորդարարին և փոխանորդին միջև ստորադրեալ մասնաւոր գրութեամբ և կամ առանձին նամակով մը: Նոյնպէս բերանացի հրամանաւ կամ հաճութեամբ ալ փոխանորդութիւն կը տրուի, բայց այն առեն փոխանորդին 'ի հարկին կը պարտաւորի ապացուցանել իրեն փոխանորդութիւն տրուած ըլլալը, ինչպէս նաև հաստատել փոխանորդութեանը արտօնութեանց սահմանները և պայմանները:

Փոխանորդութիւնը նաև պայմաններն ընդունուած կը լլան կամ դրաւոր կերպով հաճութիւն տուած ըլլալով և կամ եթէ փոխանորդութեան պաշտօնն սկսուած ու դործադրուած ըլլայ՝ առանց

ընդդիմութեան հանդիպելու փոխանորդարարին կողմէն :

Յօր. 25. Փոխանորդութիւնն ձրի է եթէ փոխարինութեան և վարձու պայման կանխարար դրուած չըլլայ : (Տես Յօդ. 36)

Յօր. 26. Կրնայ փոխանորդութիւն արուիլ փոխանորդարարին մասնաւոր միգործին, ինչպէս նաև ընդհանուր դործոց համար, փոխանորդադրոյն պարունակած արտօնութեանց համեմատ. վասն զի, եթէ փոխանորդադրոյն մէջ բացուրոշ նշանակուած չըլլայ դատին ըստ ամենայնի յանձնառեալ և լիազօր ու անթերի փոխանորդ կարգեալ լինեն, փոխանորդն չընդունուիր դատին ամեն աստիճանի դատավարութեան մէջ : (Տես Յօդ. 42 Օսմ. դատավար. առժամեմայ կանոն)

Յօր. 27. Արգիլուած է փոխանորդին իւր փոխանորդութեան վերաբերեալ արտօնութեանց սահմանէն դուրս կամ զանցառութեամբ դործել :

Յօր. 28. Նաև կանայք կրնան փոխանորդ կարգուիլ առաջի Ազգային դատարանաց, նա մասնաւանդ կանանց կողմէն :

Յօր. 29. Անչափահաս, ինչպէս նաև մտային կարողութիւննին խանդարեալ անձինք կարող չեն իրենց տեղ փոխանորդ կարգելու. այլ նոցա օրինաւոր խնամակալներն կամ հոգատարներն չերնհասութիւն ունին նոցա վերաբերեալ դործոց և խնդրոց և վէճերուն կարգադրութեանց համար փոխանորդ կարգել :

Յօր. 30. Փոխանորդն պարտի ամբողջ խղճիւ, անմեղութեամբ, անքծութեամբ այլ և ճշդիւ և անթերի կատարել իւր պաշտօնը, ապա թէ ոչ տուգանաց և տոկոսի վճարման ենթակայ կ'ըլլայ : (Տես Յօդ. 236 ձէղա գանունը հիւմայուն) Պարտաւոր է նաև ստանձնած և սկսած դործը կատարել, եթէ վնասու կամ կորստեան վտանգ կայ զայն անկատար թողլոյ մէջ :

Յօր. 31. Փոխանորդ մը կրնայ ուրիշի մը փոխադրել իւր ստացած փոխանորդութեան իրաւունքը, կարողութիւնը կամ արտօնութիւնը կամ մասամբ և կամ ամբողջովին, եթէ արդէն զուրիշ մը փոխանորդ կարգելու արտօնութիւնն ալ իրեն տրուած լինի :

Յօր. 32. Երբ երկու կամ աւելի անձինք փոխանորդ կարգուած են մի և նոյն դործի, խնդրոյ կամ վէճի մը համար, միմեանց դործառնութեանց արդեանցը մասին համերաշխարար պատասխանատու չեն, եթէ այդպէս պատասխանատու ըլլալու պայմանն իրենց և փոխանորդարարին միջեւ դաշնաւորեալ չըլլայ :

Յօր. 33. Երբ փոխանորդն իւր դործառնութեանց վիճակն ու արդիւնքը չշդութեամբ կը հաղորդէ փոխանորդարին՝ ի դիտութիւն նորա, այնուհետեւ զերծ կը մնայ պատասխանատութենէ, եթէ անձնական մասնաւոր պարտաւորութեանց ներքեւ դտնուած չըլլայ :

Յօր. 34. Փոխանորդարարն կը պարտի ընդունիլ և գործադրել յանուն իւր

եղած բոլոր այն պայմանները ու խոստումները, զորս փոխանորդն իւր իրաւասութեան սահմանին մէջ դաշնագրած է : Նոյնպէս պարտաւոր է սահմանեալ արտօնութենէ դուրս տեղի գտած խոստումը ու գործողութիւնը իսկ ընդունիլ և կատարել, երբ այդ մասին իւր լոելովս կամ մասնաւոր վարմունքովը ու գործողութեամբը հաստատած ըլլայ փոխանորդին խոստացածը կամ գործածը :

Յօդ. 35. Փոխանորդարարն պարտի վճարել իւր փոխանորդին բոլոր այն դըրամները՝ զորս փոխանորդն օրինաւոր ծախուց համար վճարած է իւր փոխանորդական պաշտօնը կատարելու առթիւ. Նոյնպէս տոկոսները՝ վճարմանց թուականներէն հաշուելով : Բաց աստի կը պարտաւորի նաև փոխանորդութեան վարձքն ալ հատուցանել եթէ արդէն պայմանադրեալ է . Նոյնպէս պարտաւոր է հատուցանել փոխանորդին այն ծախքերը՝ յորոց իրական օգուտ մը իսկ յառաջ եկած չըլլայ, բաւական է որ փոխանորդն իւր ստանձնած դործոց մէջ վնասակար ընթացք մը բունած չըլլոյ, Ուստի փոխանորդարարն բնաւ իրաւունք չունի փոխանորդին վարձքէն կամ ծախքէն ո՛ և է զեղչ ընելու, դատին անյաջող արդիւնքն կամ ծախուց աւելորդութիւնը առարկելով :

Յօդ. 36. Փոխանորդարարն պարտի վճարել նաև փոխանորդին այն չափաւոր վնասը՝ զոր կրած է փոխանորդութեան ձրի պաշտօնը կատարելուն առթիւ երբ անխոհեմութենէ առաջ եկած է, այն վնասն : (Տես Յօդ. 25)

Յօդ. 37. Երբ երկու կամ աւելի

թուով անձեր զմէկն փոխանորդ կարդած ըլլան, իւրաքանչիւր փոխանորդարար միմեանց երաշխաւոր համարուելով պարտաւոր են . վերը յիշուածին համաձայն . ամբողջապէս վճարելու փոխանորդին պահանջը, ինչպէս նաև ընդունելու և կատարելու նորա փոխանորդաբար գործածն ու խօստացածը կամ ընդունածը :

Յօդ. 38. Փոխանորդին պաշտօնն կը վերջանայ,

Ա. Երբ իրեն յահճնուած գործն կարդադրուի և վերջանայ :

Բ. Փոխանորդարին յետս կոչելովս իւր տուած արտօնութիւնները, երբ հակառակ պայման մը չըլլայ :

Գ. Փոխանորդին հրաժարելովս, երբ հակառակ պայման մը չգտնուի :

Դ. Երբ մարմնապէս կամ բարոյապէս մահ պատահի . այսինքն՝ քաղաքային և աղդային իրաւանց կորուստ կամ սնանկութիւն պատահի կամ փոխանորդարարին և կամ փոխանորդին :

Յօդ. 39. Օրինաւոր կը համարուի ինչ որ փոխանորդն գործած ու կատարած է, անօրինութեանցը համաձայն տեղեակ չըլլալով որ՝ այն միջոցին՝ փոխարարովին վերահասեր են մահ կամ այնպիսի դիպուած մը՝ որ բնականաբար կը գաղթեցնեն փոխանորդութեան պաշտօնը : Բայց և այնպէս վախճանելոյն կամ չ'ատակելոյն ժառանգորդք կամ յաջորդողք պարտաւոր են ընդունելու փոխանորդին գործողութիւնները, եթէ անկեղծութեամբ և խղճի մտօք՝ դործ դրուած են :

Յօդ. 40. Վախճանելոյն կամ չա-

տակելոյն ժառանգորդք կամ յաջորդք պարտին նորա մահը կամ չ'ատակումը իրենց հրահանգներովն հանդերձ՝ ծանուցանել փոխանորդին, վասն գործադրութեան պարտ ու պատշաճին և վասն օդակի և շահուն փոխանորդին :

Յօդ. 41. Երբ փոխանորդն փոխանորդութեան պաշտօնէն կը ձգուի, հարկէ որ փոխանորդարարն օրինաւոր միջոցաւ հաղորդէ զայն 'ի դիտութիւն այն անձանց և անոնց փոխանորդաց, որոնց հետ՝ կամ դէմ՝ պաշտօնանկ փոխանորդն գործ և դատ ունի դադարող փոխանորդութեան առթիւ :

Յօդ. 42. Նոր փոխանորդին անուանումն հնոյն փոխանորդութենէ անկումը կ'ապացուցանէ, սկսելով այն օրէն՝ յուրում նախորդին հաղորդուած է իւր յաջորդին կարգումն :

Յօդ. 43. Երբ փոխանորդարարն առանց բանաւոր և արդարացուցիչ պատճառի անժամանակ ձգէ կամ պաշտօնէ անկանէ իւր փոխանորդը, կը պարաւորի ամբողջապէս վճարել նորա պայմանեալ վարձքը և հատուցանել միանդամայն նորա ըրած ծախքք՝ տոկոսիւքն հանդերձ, ինչպէս որ յիշուած է վերը,

Նոյնպէս փոխանորդն ալ կրնայ ըստ իրաւանց հաւասարութեան՝ հրաժարիլ իւր սատանձնած փոխանորդական պաշտօնէն, հաղորդելով զայն իւր փոխարարողին։ Միանդամայն՝ իւր այս տարաժամ հրաժարումէն՝ եթէ փոխարարողին վնաս մը պատճառի, փոխանորդն պարտի տուժել իւր պայմանեալ վարձքը երբ փոխանորդն իւր պաշտօնը շարու-

նակելու մասին անկարողութեան մէջ ինկած չըլլայ և հրաժարելովն ինքն ևս վասուած չլինի :



## ԳԼՈՒԽ ՉՈՇՑՈՅՑ

Վասն հրաւիրանաց եւ ներկայացմանց դատախազից եւ դատախազելոց

Յօդ. 44. Դատախազն՝ աղերսադիրը տալէ վերջը՝ (Տես Յօդ. 1 և 2) պարտի պատկանեալ դատարանին ատենապետին դիմելով խնդրել որ զդատախազեալն դատարան կոչելու համար հրաւիրագիր զրկէ . որովհետեւ առանց երկու կողմը օրինաւոր եղանակաւ 'ի դատ հրաւիրելու, մէկ կողմին դատասացութեան վրայ տրուած ամեն որոշում և վճիռ ոչինչ կը համարուին :

Դատարանէն դրկուած ամեն հրաւիրագիր պարտի պարունակել Ա. դատախազին և դատախազելոյն անուանքն ու մականուանքը, արհեստները, բնակած տանց կամ գործատանց թաղը . փողոցն ու թիւը : Բ. դատի նիւթը և 'ի դատարան ներկայանալու օրն ու ժամը և հրաւիրագիրը՝ այսինքն՝ եկնակոչը տանող պաշտօնէին անունն ու մականունը:

Պէտք է որ դատահրաւիրագիրք միանդամայն թուահամարեալ լինին և տարւոյ և ամսոյ թուականը կրեն . և դատի ներկայանալու համար որոշեալ օրէն ութն օր առաջ գոնէ հաղորդուին դատախազելոց կողմին :

Յօդ. 45. Դատի կոչուողն պարտի

ընդունել զհրաւիրագիրը և ստացագիր  
մը տալ զայն հաղորդող պաշտօնէին :  
իսկ եթէ դատի կոչուողն չդանուի իւր  
տունը կամ դրազման տեղին , և կամ  
չուզէ ընդունիլ զհրաւիրագիրը և կամ  
ընդունելով զայն՝ դժկամակի ստորագ-  
րելու ստացագիրը , այդպիսի դիպուա-  
ծի մէջ . եկակոչ տանող պաշտօնեայն  
կը պարտի մօտակայ ազդային թաղական  
խորհրդայն , և 'ի հարկին՝ թաղին Հայ  
մուխթարին դիմելով , իւր հետ ընկերա-  
նալու համար երկու անձ ուղել , որք  
նոյն պաշտօնէին հետ կերթան դատա-  
խաղելոյն բնակարանը և հրաւիրագիրը  
հոն յանձնել տալով կը հաստատեն եղե-  
լութիւնը իրենց կողմէ ստորագրեալ  
կամ կնքեալ գրով մը :

իսկ եթէ դատախաղեալն ընդունե-  
լով զհրաւիրագիրը ուղէ ստացագիրը  
տալ , սակայն ո՛չ դրել գիտնայ և ո՛չ  
կնիք ունենալ , այն ատեն հարկ կըլլայ  
նորա մատնանիշը կամ խաչանիշը դնե-  
լով այս մասին երկու անձանց վկայագ-  
րել տայ մէջը հաստատելով թէ հրաւի-  
րագիրը հաղորդուած է այն անձին :

Հետեաբար թաղական խորհուրդք՝  
ինչպէս նաև Մուխթարք և մանաւանդ  
հրաւիրագիրը տանող պաշտօնեայք պար-  
տաւոր են այսպիսի պարագայից մէջ  
իւրաքանչիւրն իրենց վերաբերած մասը  
ճշգրտութեամբ դործագրել՝ առանց ակ-  
նառութեան և յապաղման , ապա թէ  
ո՛չ , հակառակ վարուողք պատասխա-  
նատու կը մնան Ազդային իշխանութեան  
առջև և յանդիմանութիւն կը կրեն՝  
մինչեւ իսկ պաշտօնանկ կըլլան և 'ի  
հարկին՝ մսասուց և ծախուց վճարման  
իսկ կը դատապարտուին :

Յօդ. 46. Երբ դատախաղն օրինաւոր  
կերպով և պահանջուած դրամին կամ  
դոյից քանակութեան կամ արժէքին  
վճարման կարող մէկ կամ երկու և կամ  
աւելի՝ պատուաւոր երաշխաւոր ցոյց տայ  
դատարանին , կարող է ինդրել և պա-  
հանջել որ դատարանին տալիք վճռոյն  
դործագրութիւնը ստանձնող և ապահո-  
վող պատուաւոր և ընդունելի երաշխա-  
ւորութեան ներքե առնուի դատախաղ-  
եալն , որպէս զի , եթէ կամ երեսը պա-  
հէ կամ խոյս տայ քաղաքէն և կամ ո-  
րոշեալ օրերը դատարան չներկայանայ  
մինչև ցվերջ դատին , երաշխաւորք պար-  
տաւոր լինին վճռելի դումարին վճար-  
ման կամ նիւթին հատուցման՝ հանդերձ  
վսասիւք՝ տոկոսեօք և դատական ծախիւք:

Յօդ. 47. Երբ դատի կոչուող կողմն  
երկու կամ աւելի անձերէ կը բաղկա-  
նայ և անոնցմէ մին կամ մէկ քանին  
ուրիշ քաղաք դանուելով կարող չեն  
անմիջապէս ներկայանալ պատկանեալ  
դատարանին , և եթէ պահանջուած  
բանն դատախաղելոց թուոյն համեմատ  
կրնայ այնքան մասի և կտորի վերած-  
ուիլ և բաժնուիլ , այդպիսի դիպուածի  
մէջ , դատախաղն կրնայ միայն ներկայ  
դանուողները դատարան կոչել տալ և  
պահանջել ասոնց բաժնին ինկած մա-  
սերը , վերապահելով սակայն բացակա-  
յից դէմ ունեցած իրաւունքը , և սպա-  
սել յարմար ժամանակի և առթի:

իսկ երբ պահանջեալ բանն բաժա-  
նելի չէ այնքան մասի , պահանջողն կը  
հարկադրի սպասել մինչև որ ամենէն  
հեռու տեղ դանուող ամբաստանելոյն  
ներկայացման հրաւէլն հասնի նմա , և

որոշեալ օրն անձամբ ներկայանայ կամ  
օրինաւոր փոխանորդ մը յղէ դատարա-  
նին, ըստ արամագրութեան յետադայ  
48 բ. և միւս յօդուածոց :

Յօդ. 48. Երբ պահանջուած բանն  
անքաժանելի ըլլայ, և դատախազելոց  
մին կամ մէկ քանիներն ուրիշ քաղաք  
դտնուին, և ամբաստանողն Պօլսեցի ըլ-  
լայ և Պօլիս բնակի, հրաւիրագիրն Աղ-  
գային Պատրիարքարանէն կը հաղորդուի  
բացակայից իրենց դտնուած կամ մօտը  
եղած Առաջնորդարանին կամ Թաղային  
Խորհրդին կամ տեղւոյն երևելի ազգայ-  
նոց, և 'ի հարկին՝ դրացեաց և մինչև  
իսկ տեղական կառավարութեան միջո-  
ցաւ, և հրաւիրագիրն հաղորդուած օր-  
ուան թուականէն սկսելով՝ երկաթու-  
ղիով կամ շոգենաւով, և եթէ ասոնք  
չկան, սովորական ճանապարհով որքան  
որ տեւէ մինչև պատկանեալ դատարա-  
նը հասնելու՝ այնքան օրուան վրայ  
տասն և հինգ օր եւս աւելի միջոց կը  
տրուի անձամբ ներկայանալնուն կամ  
օրինաւոր փոխանորդ ներկայացնելնուն  
համար 'ի դատարան :

Յօդ. 49. Դատի հրաւիրագիրն ե-  
րեք օրինակ կ'ըլլայ, մէկն ամբաստա-  
նողին և մէկն ամբաստանելոյն տրուե-  
լու համար, իսկ երրորդն՝ վերոյիշեալ  
45 և 47 և 48 բ. յօդուածոց տրա-  
մադրութեանց համաձայն՝ դատակոչե-  
լոյն ստորագրել տրուելէ վերջը, կը  
յանձնուի հրաւիրող դատարանին և նո-  
րա մէկ վաւերացեալ պատճենն կը նայ-  
ամբաստանողին տրուիլ՝ եթէ խնդրէ.  
և բնագիրն կը պահուի նոյն դատարա-  
ն բնագիրն կը պահուի նոյն դատարա-

նին դիւանին մէջ խնդրոյն վերաբերեալ  
միւս թղթոց հետ :

Յօդ. 50. Երբ չդիտցուիր թէ դա-  
տախազեալն ուր և ո՞ր քաղաքը կամ  
դիւզը կը դտնուի և կը բնակի, և նորա  
մէկ շարժական խչքը, դոյքը վտանգի  
մէջ է, կամ զայն ծախելու հարկաւո-  
րութիւն կը ծագի, պէտք է դիմել և  
իմաց տալ Աղգային Պատրիարքարանին  
կամ Դատական Տեսչութեան, որպէս  
զի խոհական որոշմամբ անյապաղ 'ի դործ  
դրուի պարտ ու պատշաճն :

Յօդ. 51. Սոյն չորրորդ գլխոյ պա-  
րունակած կանոններն ու արամագրու-  
թիւններն աղգային ամեն կարգի դա-  
տարանաց համար գործադրելի են :

## ԳԼՈՒԽ ՀԽՆԳԵՐԱԾ

Յաղագս դատավարութեան առաջի քաղային  
Հաղուարար դատարանաց

Յօդ. 52. Սոսկ անձնական և շար-  
ժական դոյից և ընչից վերաբերեալ պա-  
հանջանաց կամ դատերու քննութիւնն  
ու որոշումն (Տես Յօդ. 4 և 5) ամբաս-  
տանելոյն բնակած թաղին Հաշտարար  
դատարանին միջոցաւ 'ի դործ կը դրուի :

Իսկ թէ որ ամբաստանեալն ամ-  
բաստանողին բնակած տեղը այսինքն՝  
թաղը, գիւղը կամ քաղաքը առևետրա-  
կան ընկերութիւն մը կամ ընկերական  
մասնակցութիւն կամ գործատեղի մը

ունի, այդպիսի դիպուածի մէջ, խնդիրըն կը քննուի և կ'որոշուի ամբաստանողին բնակած թաղին կամ տեղւոյ Հաշտարար դատարանին միջոցաւ :

Յօդ. 53. Եթէ խնդիրն կամ վէճն վերաբերի կամ տան մը, պարտիզի մը, ագարակի մը՝ կամ արտի մը՝ կամ ասոնց բերքերուն հասած մվասուց՝ պահանջու և կամ՝ ասոնց վարձակալներուն սոյն կալուածոց բնակելու կամ մշակելու մասին տեղի դտած արդելքի մը պատճառաւ՝ անվճար մնացած վարձուց պահանջմանց, այդպիսի պարագայներու մէջ դատը կը յանձնուի նոյն կալուածին մօտակայ Հաշտարար դատարանին, որ կը քննէ և կ'որոշէ խնդիրը :

Յօդ. 54. Ամբաստանողն կարող է՝ հարկեցուցիչ պատճառի մը առջև՝ դատի հրաւիրել զդատախաղն և ներկայացընել տալ՝ դատարանին հրամանաւ միայն մէկ օր պայմանաժամ տալով, առանց օրինական պայմանաժամը տալու և սպասելու, մինչեւ իսկ մի և նոյն օրը ներկայացնել տալ՝ երբ ամբաստանեալն կը բնակի ամբաստանողին դտնուած թաղին մօտակայ դատարանէն երեք մշոնի չափ հեռաւորութեամբ : Իսկ եթէ ամբաստանեալն չգտնուիր իւր բնակարանը կամ դործատեղը, կամ նոյն օրը չներկայանայ դատարանին, դատահրաւէրի տուրքերն ու ծախքերն կը մնան ՚ի մվաս և ՚ի հաշիւ ամբաստանողին :

Յօդ. 55. Ամբաստանողն և ամբաստանեալն կը նան առանց պաշտօնական հրաւիրանաց սպասելոյ ինքնակամ և համահաճ ներկայանալ Հաշտարար դա-

տարանին և դատ պահանջել։ Այս աեւսակ պարագայներու մէջ՝ դատաւորքնախ պարտին երկու կողման ստորագրեալ հաւանութիւնն ու յայտարարութիւնը առնուլ, և եթէ դատախազք դրել չգիտնան և կնիք չունենան, ասոնց հաւանութիւնը և դրել չգիտնալը արձանագրութեան մէջ նշանակելէ յետոյ՝ կը նան ընդունիլ նոցա առաջարկը և քննել ու որոշել խնդիրը կամ դատը, և այնուհետեւ դատախազք չունին իրաւունք տրուած որոշման կամ վճռոյն ընդդիմաբանելու և վերաբննութիւն պահանջելու, առարկելով թէ՝ նոյն դատարանին դատաւորք իրենց դատին ձեռնհաս դատաւորները չեին, թէ՝ դատարանն ամբաստանելոյն բնակութեանը մօտի դատարանը չեր, թէ՝ դատի ենթակայ եղող ընչից կամ կալուածոց դատարանը չեր են :

Յօդ. 56. Հայոց թաղային Հաշտարար դատարանը գանէ շաբաթն անգամ մը պարտին որոշեալ օրերու և ժամու մէջ և յարմար տեղ մը բաց ըլլու. դատախնդրովաց իրաւունս առնելու համար : Միանդամայն ստիպողական խընդրոց հաշտարար լուծում մը, վերջ մը տապու համար՝ դատաւորք կը նան մտրդասիրաբար և ազգասիրաբար դումարուիլ նաեւ իրենցմէ մէկուն առնը, կիւրակէ և տօն օրերը։ սակայն պէտք է որ նոյն յարկին դուռն բաց լինի ունկնդիր հասարակութեան համար, վասն զի եթէ դռնփակ նիստի մէջ օրոշում կամ վճիռ արուի, օրինաց առջեւ զօրութիւն չունենար և անգործագրելի կը լայ։ Ուրիշ բան է՝ եթէ գռնփակ ըլլու համար դատախազաց մէջ օրի-

նաւոր եղանակաւ պայման դրուած և  
ստորագրուած լինի, որով այլ ևս հարկ  
չմնար դռնբաց և հրապարակաւ դա-  
տաստան ընելու :

Յօդ. 57. Երբ ամբաստանողն ու  
ամբաստանեալը կամ հրաւիրագրով և  
կամ ինքնակամ՝ որոշեալ օրն և ժա-  
մուն անձամբ դատարանը ներկայանան,  
կամ օրինաւոր փոխանորդ՝ զրկեն, պար-  
տին ամենայն համեստութեամբ և մեղ-  
մութեամբ պատասխանել հարցմանց և  
փաստարանել և դատաւորաց արժան ե-  
ղած մեծարանքն ընել. ինչպէս կը պա-  
հանջեն քաղաքավարութիւնն ու կրթու-  
թիւնը :

Իսկ եթէ ասոր հակառակ վարմանց  
մէջ գտնուի ոք, այնպիսին՝ առաջին  
անդամին համար ՚ի կարդ կը հրաւիր-  
ուի, և եթէ կրկնէ ու շարունակէ նոյն  
հակառակ վարմանքը՝ կը դատապարտուի  
20 դահեկանէն մինչեւ 50 դահեկան դը-  
րամական տուգանաց, նաեւ մինչեւ երեք  
օր բանտարկութեան՝ ըստ աստիճա-  
նի յանցանաց. և այս վճիռն ՚ի տես  
հասարակութեան կը կախուի դատարա-  
նին կամ թաղական խորհրդարանին  
որահը :

Յօդ. 58. Դատախաղք իրենց ըսե-  
լիքը ՚ի ներկայութեան միմեանց բերա-  
նացի կը յայտնեն, և խնդիրն կ'որոշուի  
անմիջապէս: Իսկ եթէ դատաւորք հարկ  
տեսնեն և պահանջեն որ դատախաղք  
դրաւոր ներկայացնեն իրենց ըսածը կամ  
ըսելիքը, այն ատեն խնդրոյն որոշումն  
կը յետաձգուի դատարանին յաջորդ  
նիստին :

Յօդ. 59. Եթէ դատախաղներէն  
մէկն ստէ ներկայացեալ դրութիւն մը  
կամ ուրանայ իւր գիրը կամ ստորագ-  
րութիւնը և չճանաչէ զայն, դատարանն  
յետ արձանագրելոյ ընդդիմութիւնները  
կը յդէ վէճը պատկանեալ դատարանին  
հանդերձ տեղեկագրով:

Յօդ. 60. Երբ աղերսարկուն կամ  
նորա փոխանորդն աղերսը մատուցած  
թուականէն մինչեւ երեք ամիս հետա-  
մուտ չըլլայ իւր դատին, և այս միջո-  
ցին մէջ դատին սկզբնաւորութիւնն ու  
շարունակութիւնը չխնդրեր, մատուցած  
խնդրագիրն կ'ոչնչանայ :

Իսկ եթէ այս երեք ամսէն յետոյ  
վճիռ մ'ալ տրուի, անգործագրելի  
կ'ըլլայ և կոչի կ'ենթարկի. և թէ տըր-  
ուած վճիռն վերջնական եղած լինի,  
կրնայ դատապարտելոյ աղերսանացը վը-  
լուայ վերաքննուիլ կեդրոնական դատա-  
րանին այն սենեկաց առջին, որոց իրա-  
ւասւթեանը կը վերաբերի խնդիրն :

Յօդ. 61. Վճիռ մը վերջնական կը  
համարուի նախ՝ երբ վճուեալ գումարն՝  
տոկոսիւքն ու ծախիւք և զսասեօքն հան-  
դերձ՝ 5000 դահեկանէն վար է, կամ  
տարեկան եկամուան 500 դահեկանէն  
աւելի չեղող ստացուած կամ կալուած  
լինին պահանջեալըն (Տես Օսմ. Դատ-  
առժամեայ կանոն Յօդ. 80):

Երկրորդ՝ երբ դատախաղք երկուս-  
տէք պայմանագրութեամբ կանխաւ ըն-  
դունած են որ վերջնական եղանակաւ  
դատուին վճիռը արձակօղ դատարանին  
միջոցաւ :

Յօդ. 62. Դատի մը վճռագիրն նոյն

դատին վերաբերեալ ասացուածոյ ,  
պատկանեալ խնդրոյ , քննութեանց  
ու արդեանց և հետեւաբար տեղի ու-  
նեցող նկատողութեանց , խորհրդածու-  
թեանց և պատճառաբանեալ որոշմանց ,  
արձանագրութեանց պատճէնն ըլլալով  
պարտի պարունակել , նախ՝ դատարանին  
եսասինին անունը , և եթէ կառավարու-  
թեան մեղալը մը կայ , նորա եւս անու-  
նը , և հետեւաբար մատուցեալ աղեր-  
սանաց և ուրիշ պաշտօնական զբու-  
թեանց թուականները , թուահամարնե-  
րը , ստորագրութիւնները և պարունա-  
կութեանց համառօտ նիւթերը :

Երկրորդ՝ դատախաղից անձամբ և  
թէ փոխանորդաց միջոցաւ դատարանի  
ըրած յայտարարութիւններն ու եղբա-  
կացութիւնները և մատուցած պարտա-  
մուրհակաց , պայմանագրութեանց և ու-  
րիշ տեսակ թղթերու ամբողջ պարունա-  
կութիւնները կամ կցեալ պատճէնները :

Երրորդ՝ եթէ վկայք լսուած ըլլան ,  
իւրաքանչիւրին անունները , մականուն-  
ները կամ զբաղմունքնին , տարիքնին ,  
ծննդատեղնին , արուեստը , բնակարանը  
և վկայաբար ըրած խօսքերը :

Չորրորդ՝ դատասացութիւններէն և  
քննութիւններէն առաջ եկող որոշելի  
կէտերուն որոնք ըլլալը :

Հինգերորդ՝ իւրաքանչիւր կէտին  
նկատմամբ դատարանին մէջ եղած վի-  
ճաբանութիւններէ յետոյ խորհրդածու-  
թեանց համառօտութիւնը , եղբակացու-  
թիւնը և վերջապէս տրուած իւրաքան-  
չիւր որոշման ո՞ր օրինական յօդուածի  
համաձայն լինելը :

Վեցերորդ՝ դատավարտեալ կողմէն  
վճարելիք դումարին և տոկոսներուն քա-

նակութիւնը , նաև դատական ծախուց  
և տուգանաց գումարները , անօրինե-  
լով՝ որ յետոյ դատը կորանցնողին հա-  
տուցանել տալու դաշամբ՝ դատը վաս-  
տրկողն կանխաւ վճարէ զայնս :

Եօթներորդ՝ որոշման կամ վճռոյն  
միաբան հաւանութեամբ կամ ձայնից  
մեծամասնութեամբ տրուած լինելը , ո՞ր  
թուականին տեղի ունեցած ըլլալը և  
դատավարաց երկու կողմէն միոյն կամ  
զդատը վասակողին բերանացի հաղորդ-  
ուած լինելը :

Յօդ. 63. Վճռագիր մը դատապար-  
տելոյն օրինաւոր եղանակաւ հաղորդ-  
ուած օրէն հաշուելով՝ դատը վաստկողն  
իրաւունք ունի նորա գործադրութիւնը  
անմիջապէս պահանջելու . իսկ եթէ թոյլ  
տալով չթախանձէ նորա գործադրու-  
թիւնը , և այդպիսի գիպուածի մէջ շա-  
րունակ վաթսուն և մէկ օր անցնելով՝  
դատապարտեալն ալ չբողոքէ և վճռա-  
գրոյն վերաբնութիւնը չմնդրէ . յիշ-  
եալ վաթսուն և մէկ օր պայմանաժամն  
աւարտելէն յետոյ՝ Բարձրագոյն դա-  
տարանին կամ նորա ձեռնհաս ատենին  
գիմելու իրաւունքը կը կորսնցնէ : (Տես  
Յօդ. 181 Օսմ. Դատ. առժամեայ կանոն)  
(Գէրելէ+ ) Վճռագրոյն հաղորդուած օրը  
և կամ յիշեալ պայմանաժամն աւար-  
տած օրը սոյն ՅՆ օրէն դուրս է) :

Յօդ. 64. Թէ՛ առաջին աստիճանի  
դատարանէ մը և թէ՛ Բարձրագոյն դա-  
տարանի ատեանէ մը վերջնական որոշ-  
մամբ տրուած և կամ 'ի բացակայու-  
թեան դատախաղից՝ մէկին կամ միւսին  
երկից' տրուած վճռագրի մը մի և նոյն  
դատարանին միջոցաւ նորաբնութիւն

կրնայ խնդրուիլ յետագայ դիպաց մէջ։  
Ա. Երբ չպահանջուած գումարի կամ  
բանի մը հատուցման համար որոշում  
կամ վճիռ արուի :

Բ. Եւ հետեւաբար, երբ պահանջ-  
ուած գումարէն կամ բանէն աւելի բան  
մը հատուցանելու համար որոշում կամ  
վճիռ գոյանայ :

Գ. Երբ պահանջանաց մին կամ մէկ  
քանին անորոշ ձգուի :

Դ. Երբ խնդրոյ մը նկատմամբ տըր-  
ուած վճռէն յետոյ՝ առանց դատախազ-  
ներուն անձամբ կամ իրաւասութեամբ  
տարբերութիւն կրելու, կամ նոր պա-  
հանջ մը յարուցանելու դատը նոյնու-  
թեամբ նորաքննուի և առաջին որոշման  
հակառակ որոշում տրուի :

Ե. Երբ մէկ վճռաղբոյ մէջ միմեանց  
հակառակ երկու որոշում կամ վճիռ  
արուի :

Զ. Երբ դատի մը քննութեան միջո-  
ցին աղերսամատոյց դատախազի հակա-  
ռակորդին կողմէ այնպիսի խարէութիւն  
մը գործադրուի որ դատաւորին վրայ  
աղդելով՝ նորա տալու որոշման փոփո-  
խութիւն պատճառած լինի :

Է. Երբ ՚ի նպաստ դատին առաջ  
բերուած գրութեան մը շինձու ըլլալն  
խնդրոյն որոշումէն յետոյ երեւան ելնէ :

Ը. Երբ դատին որոշման նպաստելու  
կարող պայմանագիր կամ հաշուետետի  
կամ թուղթ մը հակառակորդ կողմէն  
պահուած կամ պահել տրուած ըլլալով՝  
որոշումէն յետոյ ձեռք բերուելով՝ մա-  
տուցուի ՚ի դատարան :

Թ. Երբ որոշում մը համաձայն չի-  
նի դատավարական օրինաց այն յօդ-  
ուածոց, որոնց, կամ խնդրոյն դատա-

քննութեան միջոցին և կամ որոշումէն  
յաւաջ, չնազանդելու և չհամակերպե-  
լու պատճառաւ վճիռը անվաւեր ու ան-  
ընդունելի կըլլայ, և դատապարտելոյն  
վախճանած լինելով ընդդիմութիւն ը-  
նելու օրինաւոր պայմանաժամը լուս-  
թեամբ անցած չըլլալով ընդդիմութեան  
իրաւունքն ոչնչացած չըլլար :

Ժ. Երբ ինչպէս Տէրութեան կամ  
կուսակալութեան մը, նոյնպէս ազդային  
Վարչութեան կամ Առաջնորդութեան  
մը և կամ գիւղի մը բնակիչներու, և  
կամ տէրութեան կամ ազգին հրիտակ-  
եալ բարեպաշտական կալուածոց, նաև  
որբերու դէմ դատ վարուելով նոցա ի-  
րաւանց պաշտպանութեան համար իրենց  
կողմէն ներկայութիւնն անհրաժեշտ ե-  
ղող փոխանորդ կամ խնամակալ կամ հո-  
գաբարձու մը դատին ներկայ չգտնուի :  
(Տես Յօդ. 202 Օսմ. Դատ. առժամեայ  
կանոն)

Յօդ. 65. Կամ Բարձրագոյն դատա-  
րանէն տրուած՝ և կամ կեդրոնական  
վերջնական վճիռներուն, նաեւ Հաշտա-  
ւար դատարաններուն կողմերէն տրուե-  
լով վերաբննութեան պայմանաժամը կա-  
տարուած ըլլալուն համար վերջնական  
վիճակի հասած վճիռներուն բեկումը  
պահանջողք՝ պարտին իրենց ընդդիմա-  
րանական աղերսազիրը մատուցանել՝ յե-  
տագայ պայմանաժամերու մէջ :

Ա. Բարձրագոյն դատարանի ատեա-  
նէ մը տրուած վճռագրոյն օրինաւորա-  
պէս հաղորդուելուն թուականէն հաշ-  
ուելով 90 օր պայմանաժամու մէջ եթէ  
բեկումը խնդրուած վճիռն ՚ի ներկայու-

թեան դատախաղի և դատախաղելոյն  
տրուած համյայտնուած է :

Բ. Խակ Եթէ բարձրագոյն դատա-  
րանէն Ատենի մը վճռագիրն 'ի բացա-  
կայութեան կամ դատախաղին և կամ  
դատախաղելոյն տրուած ըլլայ , այդպի-  
սի վճռագրոց հաղորդուելէն յետոյ ընդ-  
դիմութեան համար տրամադրեալ օրի-  
նաւոր պայմանաժամուն լրացող օրէն  
հաշուելով՝ 90 օրուան մէջ վճռաբեկու-  
մը պահանջելու է :

Գ. Եթէ վճիռն կեդրոնական սենե-  
կաց և Հաշտարար դատարանաց կողմէն  
'ի ներկայութեան երկու կողմի դատա-  
վարաց տրուած ըլլայ , վճռաքննութեան  
64 օր պայմանաժամը լրանալու օրէն  
հաշուելով՝ 90 օրուան մէջ պահանջելու  
է վճռաբեկումը :

Դ. Եթէ 'ի բացակայութեան մէկ  
կամ միւս կողմին տրուած ըլլայ վճիռն .  
90 օրեայ պայմանաժամն կսկսի այն օ-  
րէն . յորում թէ՛ ընդդիմութեան և թէ  
վճռաքննութեան պայմանաժամերն հեռ  
տրզետէ կը լրանան :

Ե. Եւ Եթէ վճռաբեկում խնդրովն  
կամ դատապարտեալն վախճանի , վե-  
րոյիշեալ պայմանաժամերն կ'սկսին հաշ-  
ուել վճռագրոյն նորա ժառանգորդաց  
հաղորդուած օրէն :

Եւ այդ պայմանաժամերուն կատա-  
րումէն ետքը , վճռաբեկի համար մա-  
տուցեալ խնդրագիրք անընդունելի են ,  
(Տես Յօդ. 249 Օսմ. Դատ. առժամեայ  
կանան)

Յօդ. 66. Երբ դատի մը համար  
դատարանին կողմէ որոշեալ օրն ու ժա-  
ման դատախաղներէն մէկ կողմն չնիլ՝

կայանար դատարանին , դատաւորք կը բ-  
նան 'ի բացակայութեան նորա՝ 'ի դա-  
տարան ներկայ դտնուող ունկնդիրնե-  
րէն մէկը յայնմ պահու փոխանորդ կար-  
գել 'ի դիմաց բացակային (Տես Յօդ.  
1791 Մէճէլլէ) . և նորա փոխանորդու-  
թեամբ և օրինաւոր միջոցաւ հրաւիրեալ  
և ներկայ դտնուող միւս կողմին խնդրա-  
նացն և պահանջմանը վրայ խնդրին որո-  
շել ու վճռել , դատախաղին ցոյց տուած  
դրութիւնները տեսնելէ և յառաջ բերած  
փաստելն ու ներկայած վկայները և առ-  
ժամեայ կարգեալ փոխանորդին ընդդի-  
մարանութիւնները լսելէ ետև : Խակ Եթէ  
յայնմ պահու փոխանորդելու մէկն չի  
դտնուի , դատարանն նոյնպէս կրնայ խըն-  
դիրը քննել , զննել , որոշել և վճռել :  
Սակայն այսպիսի պարագայոց առթիւ  
տրուած վճռագրոց մէջը պէտք է բոլոր  
եղելութիւնը ծանուցուի , թէ՛ ըստ խընդ-  
րանաց այսինչ կողմին և այս ինչ անուն  
անձին առժամեայ փոխանորդութեամբ ,  
կամ առանց փոխանորդի քննուած և ո-  
րոշուած է խնդրին և տրուած է վճիռն՝  
'ի բացակայութեան միւս կողմին :

Յօդ. 67. Ի բացակայութեան մէկ  
կողմին , միւս կողման Հաշտարար դա-  
տարանէն ստացած վճռագրոյն մէկ վա-  
ւերացեալ պատճէնն օրինաւոր եղանա-  
կաւ , այսինքն՝ եկնակոչերը հաղորդելու  
վերաբերեալ օրինաց համաձայն եղանա-  
կաւ (Տես Յօդ. 44 էն ց50) , դատապար-  
տելոյն հաղորդուած թուականէն սկս-  
եալ մինչեւ 7 օր անդորձադրելի է , եթէ  
առժամանակեայ գործադրութիւնն որոշ-  
ուած չըլլայ :

Սոյն եօթնօրեայ պայմանաժամն չի  
լրացած , դատախաղեալն իրաւունք ու-  
նիւնելու և ընդդիմութիւն դատարանին

աղերսելով վերաքննութիւն խնդրելու .  
յայտնելով : սակայն , աղերսագրոյն մէջ .  
այն պատճառներն , որք իրաւունք և ա-  
ռիթ տուած են իրեն վերաքննութիւն  
պահանջելու :

Յօդ. 68. Երբ բացակայ կողմին բա-  
րեկամներն ու ծանօթներն կամ ազգա-  
կանք դատի համար որոշեալ օրն ու ժա-  
մուն դատարանին ներկայանալով՝ խնդ-  
րոյն՝ ի բացակայութեան քննուելու մի-  
ջոցին յայտարարեն և վկայեն որ բացա-  
կայ կողմն հիւանդութեան և կամ այլ  
արգելիչ պատճառով մը և կամ հրաւել  
ստացած շրլալուն աղադաւ չէ ներկա-  
յացած , այն ատեն դատաւորք կրնան  
խնդրոյն քննութիւնն ու որոշումը յե-  
տաձել մինչև 8 օր . խնդիրը յաջորդ  
շաբթուն նոյն օրի նստին ձեռք առնե-  
լու պայմանաւ , այսինքն՝ եթէ օրն երեք  
շաբթի է դարձեալ յաջորդ շաբթուան  
երեքշաբթի օրն քննութիւն ընել և վլճ-  
ռել տալ : Իսկ եթէ դատաւորք , առանց  
'ի նկատի առնելոյ բացակային բարեկա-  
մացը կամ ծանօթացը և ազդականացը  
յայտարարութիւնը ու վկայութիւնը ,  
խնդիրը քննեն ու որոշեն՝ առանց յա-  
ջորդ շաբթուան յետաձելու , դատա-  
պարտեալն իրաւունք կունենայ՝ վճռոյն  
դործադրութեանը համար տրուած 7  
աւուր պայմանաժամին լրանալէն վերջն  
ալ ընդդիմութիւն ընել և անոր վերա-  
քննութիւնը խնդրել առանց երաշխաւոր  
տալու , բացարելով , սակայն , աղեր-  
սագրին մէջ բացակայ մնացած ըլլալուն  
ո՛ և է արգելիչ պատճառները :

Յօդ. 69. Երբ մէկն իւր բացակայու-  
թեան արուած վճռոյն վերաքննութիւ-  
նը պահանջած ըլլալով հանդերձ՝ դարձ-

եալ դատարան չներկայանայ , և դատա-  
րանն ի բացակայութեան նորա՝ իւր նա-  
խորդ վճիռն հաստատէ , կրկին անդամ  
դատապարտեալն այնուհետեւ իրաւունք  
չունենար ընդդիմութիւն ընելու . սա-  
կայն աղատ է 1. յօդուածին Զ. և է.  
պարբերութեանց տրամադրութեանցն  
համաձայն՝ օրինաւոր եղանակաւ երաշ-  
խաւոր տալով կոչ ընել՝ խնդիրը կամ  
վէճը վերսախին քննել տալու համար  
կեդրոնական դատարանի այն սենեկին  
առջեւ , որու կը պատկանի խնդիրն :

Յօդ. 70. Թաղային Հաշտարար դա-  
տարանաց կողմէ կեդրոնական դատա-  
րանի սենեկաց փոխադրեալ դատերն՝ ի  
սկզբանէ կը քննուին՝ իրեւ նոր դատ :

Սակայն դատելոց խոստովանու-  
թիւններն ու յայտարարութիւններն .  
որք եղած են առաջի Հաշտարար դա-  
տարանաց , առ ոչինչ չեն համարուիր .  
մինչև որ քննութեան կամ վճռադրոյն  
մէջ աւելի կամպակաս գրութիւն մը կամ  
նենգութիւն մը սպրդած ըլլալը աղեր-  
սագրին մէջ կանխարար յիշուած ըլլա-  
լով չպահանջուի և հետեւբար չպա-  
շուցուի :

Յօդ. 71. Երբ թաղային Հաշտարար  
կամ աղգային դատարանաց ներկայաց-  
եալ խնդիրները կամ վէճերը պարզելու  
համար խնդրոյն բնութեանը համաձայն՝  
հմուտ և ձեռնհաս անձանց միջոցաւ քըն-  
նութեան պէտք զգացուի . դատարանն  
յանձնաժողովոյ մը կազմութիւնը կորո-  
շ որոյ անդամք՝ իրեւ միջնորդ դատա-  
ւորք երկու կողմի առաջարկութեամբը  
և դատարանին հաւանութեամբը կ'ընտ-  
րուին և կը հաստատուին : Իսկ եթէ դա-  
տախաղներէն կամ դատախաղին կամ  
ամբաստանեալին կողմէն և կամ երկու

կողմին ալ ընդդիմութիւն յարուցանեւ-  
լովը կամ անփոյթ կենալովը յանձնաժո-  
ղովին համար իրենց կողմէն անդամ չա-  
ռաջարկեն, դատարանն ուղղակի իւր  
կողմէն կ'ընտրէ երկու կամ չորս անձինք,  
որոց վրայ աւելցնելով դատարանին դա-  
տաւորներէն մին՝ կը կազմուի յանձնա-  
ժողովն, որոյ անդամոց դատարանէն  
հրահանգագրով մը արտօնութիւն և հը-  
րաման կը տրուի՝ խնդիրը իւր ամեն խոչ  
ու շփոթ մանրամասն պարագայիւրը քըն-  
նելու, զննելու, հաշիւները և թղթերը  
տեսնելու և դիմաւորելու ու ստուգելու,  
անձանց վկայութիւնները լսելու 'իներ-  
կայութեան դատախազից, նաև 'ի կա-  
մաւոր բացակայութեան ընդդիմող կամ  
չհամակերպող դատախազից ։

Յօդ. 72. Երբ դատախազներէն մին  
կամ միւս ընդդիմութիւն ընելով կամ  
չհամակերպելով յանձնաժողովին չներ-  
կայանայ. յանձնաժողովն դատարանին  
միջոցաւ հրաւիրագիր կ'ուղղէ՝ ազդարա-  
բելով որ՝ բացակայողն որոշեալ յառա-  
ջիկայ նիստին կամ դումարման օրը և  
պահուն ներկայանայ յանձնաժողովին և  
պաշտպանէ իւր իրաւունքը :

Եւ եթէ հրաւիրեալ բացակայն դար-  
ձեալ չներկայանայ. այն ատեն յանձնա-  
ժողովն՝ 'ի բացակայութեան նորա՝ կը  
քննէ ու կը զննէ խնդիրը՝ իր բոլոր պա-  
րագայներովն, և խնդրոյն քննութեան  
ու զննութեան միջներուն լսուած դա-  
տասացութիւնները, տեսնուած գլուռ-  
թիւնները և երեւան ելած կէտերը և  
տեսակէտերը մի ըստ միոջէ և հետզետէ  
երկու օրինակ արձանագրուելով՝ ստո-  
րագրուելու և իւրաքանչիւր օրինակն իւ-  
րաքանչիւր կողմի դատաւորներէ մէկուն

ձեռք մնալու է, և հետեւաբար վճռա-  
գրոյն մի պատճէնն կամ կցեալ կամ ընդ-  
օրինակեալ լինելով՝ պատճառաբանեալ  
որոշմամբ, այսինքն՝ օրինաց յօդուած-  
ներն յիշեալ լինելով հանդերձ՝ դատա-  
րանին ներկայացնելու է. ապա թէ ոչ  
վճիռն ոչինչ կը համարուի :

Միջնորդ դատաւորաց գործառնու-  
թեանց վարձքն ու արձանագրութեանց,  
նաև տեղեկագրոյն ծախքերն կանխաւ  
կէս առ կէս կը վճարուին երկու կող-  
մէն, և ապա դատապարտեալն կը տու-  
ժէ իրաւունք ստացողին կանխաւ վճա-  
րած մասը :

Իսկ եթէ երկու կողմէն մին ընդ-  
դիմութիւն ընելով կանխաւ չվճարէ իւր  
բաժնին ինկածը, միւս կողմն կը վճարէ  
որպէս զի խնդիրն չյետածգուի, և յե-  
տոյ կը պահանջէ զայն դատապարտեալէն:

Յօդ. 73. Եթէ թաղային չաշտարար  
դատարանէ մը վերջնական կերպով տըր-  
ուած վճռոյ մը դէմ՝ իբր հակառակ օ-  
րինաց՝ բողոք և ընդդիմութիւն տեղի  
ունենայ, խնդիրն՝ օրինաց համեմատ,  
Բարձրագոյն դատարանին պատկանեալ  
Ատենին յղուելով՝ հոն նկատողութեան  
կառնուի, որպէս զի, եթէ տրուած վը-  
ճիռն օրինաց հակառակ և արդարու-  
թեան անհամաձայն դտնուի, խնդիրն  
յանձնուի 'ի վերաքննութիւն կեղրոնա-  
կան դատարանի այն սենեկին՝ որու կը  
պատկանի :

Յօդ. 74. Իսկ վերաքննութիւնն ուղ-  
ղակի կը յանձնուի այն սենեկին՝ որու  
կը վերաբերի խնդիրն, երբ վճառեալ գու-  
մարն կամ դատն 5000 դահեկանէն ա-  
ւելի արժէք ունենալուն համար՝ վճիռն  
վերջնական չհամարուի։ (Տես Յօդ. 61)

Յօր. 75. Երբ դատարանի մը ատե-  
նապետն բացակայի , նոյն դատարանի  
կայուն և 'ի հարկին՝ օգնական խորհր-  
դականներէն աստիճանաբար առաջնու-  
թիւն ունեցողն կ'ատենապետէ փոխա-  
նորդաբար :

## ԳԼՈԽԸ ՎԵՏԵՐԱՆԸ

Յաղագս վկայութեանց

Յօր. 76. Երբ դատախազներէն մին՝  
խնդիրը կամ վէճը պարզելու և լու-  
սաբանելու և իւր իրաւունքը հաստա-  
տելու և ապացուցանելու համար վկայ  
ներկայացնելու հարկին մէջ դտնուի ,  
պէտք է նախ՝ իւրաքանչիւր վկային ա-  
նունը մականունը , ուր տեղացի ըլլալը ,  
արուեստը կամ զբաղմունքը , ինչպէս  
նաև դործատան կամ բնակարանին թա-  
ղը , փողոցը և թիւր , նոյնպէս իւր և  
վկային մէջ տեղ աղդակցութիւն և ուշ-  
դակի կամ անուղղակի առեւրական յա-  
րաբերութիւն դանուիլն կամ չգտնուիլն  
երդմամբ ծանուցանելով արձանագրել  
տալ դատաւորին :

Սակայն եթէ վկայ բերելու իրա-  
ւունք ունեցող կողմն ըսած ըլլայ թէ  
ամենեւին վկայ չունի , և յետոյ վկայնե-  
րու անուններ տալու կամ վկայներ բե-  
րելու ըլլայ , ընդունելի չեն վկայնելն :  
(Մէճէլլէ 1753)

Երկրորդ՝ դատարանին որոշեալ օրն  
ու ժամուն ներկայացնել իւր վկայները ,

Երրորդ՝ վկայները դատարանէն  
դուրս տեղ մը սպասել տալ :

Չորրորդ՝ եթէ կարգն դայ վկայու-  
թեանց լսուելուն , վկայներէն նախ մին

ներս մտնէ և խոստանալով որ անաչա-  
ռապէս ճշմարիտը պիտի խօսի և վկայէ  
և առ այս՝ իւր անունը , մականունը ,  
ծննդեան տեղը , արուեստը կամ զբաղ-  
մունքը , դործատան և բնակարանին թա-  
ղը , փողոցն ու թիւրը . իւր և զինքը  
'ի վկայութիւն հրաւիրողին մէջ տեղ աղ-  
դակցութիւն և ուղղակի կամ անուղղա-  
կի առեւրական յարաբերութիւն դըտ-  
նուիլն կամ չգտնուիլը և այնուհետև ի-  
րեն եղած հարցմանց ճշմարտութեամբ  
պատասխանելը երդմամբ հաստատելէ և  
խոստովանելէ յետոյ՝ իրեն ուղեալ հարց-  
մանց ստուգապէս պատասխանէ , և այն  
մասին գիտցածը անաչառութեամբ հա-  
ղորդէ և վկայէ , և ապա ըրած վկայու-  
թեանց և յայտարարութեանց արձա-  
նագրութիւնը ընթեռնլով՝ զայն ստորագ-  
րէ . իսկ եթէ վկայն կարդալ ու գրել  
չգիտեր , երկու պատուաւոր անձինք  
յանուն և 'ի դիմաց վկային երտնամբ վը-  
կայեն արձանագրութեան ճշդութեանը  
լնչպէս նաև հաստատեն վկային Էաւանէն  
կամ հարցանէլ ստորագրութիւնը :

Հինգերորդ՝ արգիլուած է այն վը-  
կային դատարանէն գուրս ելնել՝ մինչեւ  
որ միւս բոլոր վկայից վկայութիւնները  
ևս առնու դատարանն . և հարկ է որ  
իւրաքանչիւր հարցաքննեալ վկայք ներսը  
մնան , որպէս զի միւս վկայից հետ խօսակ-  
ցելու միջոց և պատեհութիւն չունենան :

Վիցերորդ՝ միւս վկան՝ որ դատա-  
րան մտնող ելնող անձանց յարաբերու-  
թիւնէ զուրկ՝ տեղ մը կապասէ . դատա-  
րան կոչուելուն ներս կը բերուի և վե-  
րոդրեալ պարբերութեանց տրամադրու-  
թեանցն համաձայն կը տնօրինուի , և այս  
կերպով վկայներն հետղիետէ իրենց  
պաշտօնը կը կատարեն :

Յօդ. 77. Վկայները ներս մտցնող պաշտօնեայն ևս պէտք է կրդուեալ ըլլայ, դատարանին մէջ լսած վկայութիւնները միւս վկայներուն չհաղորդելու համար. և դատաւորք պարտին ամենայն հսկողութիւն ՚ի գործ դնել, որպէս զի դուրսն եղող վկայներն տեղեկութիւն չստանան բնաւին թէ ներսի վկայն ինչ կերպով վկայութիւն տուաւ :

Յօդ. 78. Ինչպէս դատաւորք նոյն պէս դատախաղք կամ նոցա փոխանորդք կարող են երդուեալ վկայները քննել հետզհետէ առաջի դատարանի, զի դատարանէն դուրս եղած վկայութիւնն անընդունելի է (Տես Մէճէլլէ Յօդ. 1867) և ինդրոյն կամ դատին վրայօք հարցումներ ուղղել վկայից. պարտաւոր են յետագայ հատուածոց համաձայն ճշդիւ և արդարութեամբ պատասխանել ամենուն՝ առանց լրութիւն պահելու, որպէս զի օրինաւոր ըմբռնուին իրենց վեկայութիւնքն : (Մէճէլլէ 1705)

Յօդ. 79. Վկայք ականատես և ականջալուր ըլլալու են : (Մէճէլլէ 1688)

Յօդ. 80. Երկու անձանց վկայութիւնն հարկաւոր լինելով մէկուն տեղ երկու կանայք կրնան լսուիլ : (Մէճէլլէ 1685)

Յօդ. 81. Իսկ երբ ինդրոյ մը մէջ արանց վկայութիւնն անյարմար լինի, կանանց վկայութիւնն կարեոր է : (Մէճէլլէ 1665)

Յօդ. 82. Կոյրերու, ինչպէս նաև համրերու վկայութիւնք անընդունելի են : (Մէճ. 1686) (Տես Յօդ. 116)

Յօդ. 83. Երբ վկայութիւնն վերա-

բերի ՚ի նպաստ կամ ընդդէմ վախճանեալ անձի մը, վկայն պարտի նորա հօրնու մօրն և նոցա նախածնողաց ևս ո՛վ ըլլալը ծանուցանել : (Մէճ. 1690)

Յօդ. 84. Երբ վկայութիւնն կալուածոց վերաբերի, վկայն պարտի նոյն կալուածոց սահմանակից կալուածներու որոնց ըլլալը ծանուցանել : (Մէճ. 1691)

Յօդ. 85. Երբ դրամական ինդրոյ մէջ պարտուց կամ պահանջից մէկ մասը հատուցեալ լինելով անվճար մնացած մասին քանակութիւնը չգիտեր վկայ մը, նորա վկայութիւնն անընդունելի է : (Մէճ. 1695)

Յօդ. 86. Վախճանելոյ մը հակառակ տրուած վկայութիւնն ընդունելի և վստահելի չհամարուիր : (Մէճ. 1698)

Յօդ. 87. Ծնողաց և զաւակաց, նաև եղբարց, քերց ու ամուսնացելոց մէջ ՚ի նպաստ միմեանց եղած վկայութիւնն ընդունելի չէ : Իսկ ուրիշ աստիճանի աղդականաց, ինչպէս նաև բարեկամաց մէջ ՚ի նպաստ միմեանց եղած վկայութիւնք ընդունելի կը համարուին : (Մէճէլլէ 1700-1701)

Յօդ. 88. Իսկ իրարու հակառակորդ կամ թշնամի անձերէն մէկին ընդդէմ միւսին ըրած վկայութիւնն ընդունելի չէ : (Մէճ. 1702)

Յօդ. 89. Անձ մը միանդամայն ամբաստանիշ և հետևաբար իր անձին սեպհական իրողութեան չկրնար վկայ լինիլ : (Մէճ. 1703 և 1704)

Յօդ. 90. Վկայութիւն մը ընդունելի ըլլալու համար՝ իրողութեան նպատակը ճշդելու է և ոչ թէ վկային տէսակե-

տերը յառաջ բերելու է : (Մէջ. 1706)

Յօդ. 91. Պահանջեալ գումարի մը կամ ուրիշ բանի մը մէկ մասն պահանջողին իրաւունքն ըլլալուն եղած վկայութիւնն՝ միայն նոյն մասը պահանջողին իրաւունքն ըլլալը կը հաստատէ : (Մէջ. 1707)

Յօդ. 92. Երբ պարտքի մը ուսկից յառաջ եկած ըլլալուն նկատմամբ արրուած վկայութիւնն սխալ ըլլայ, նոյն պարտքն չհաստատուիր : (Մէջ. 1711)

Յօդ. 93. Երբ վկայութեանց մէջ հակասութիւն տեսնուի, վկայութիւնքը ընդունելի չեն համարուիր : (Մէջ. 1712)

Յօդ. 94. Դատը վճռելէ յառաջ՝ դատաւորաց պարտքն է՝ վկայից պատւոյ և վստահութեան արժանի անձինք ըլլալնուն վրայօք մանրամասն տեղեկութիւններ, այսինքն՝ վերոյիշեալ յօդուածոց տրամադրութեանցն համեմատ վկայութիւններ ստանալ : (Մէջ. 1717)

Յօդ. 95. Եթէ լնդրոյ մը դատին մէջ լսուած վկայներն ըստ ամենայնի վստահութեան արժանի անձինք ըլլալնին հաստատուելէ յետոյ՝ վեց ամիս ժամանակ անցնի, նոյն անձանց որ և է նոր ինդրոյ մը վրայ վկայութիւն ըրած ժամանակ՝ իրենց պատուաւոր և վստահութեան արժանի անձինք ըլլալնին վերստիւններով է՝ ընդունելի վկայութիւններով : (Մէջ. 1723)

Յօդ. 96. Դատավարներէն մէկ կողման յառաջ բերած վկայներու թիւն միւս կողմի վկայներու թիւէն մեծադոյն լինելն չի կրնար պատճառ ըլլալ նոյն վելի կայութեան նախամեծար և նախադասելի համարուելուն, եթէ նոյնպէս բազմահուչական չուչականի : (Մէջ. 1732)

Յօդ. 97. Եթէ վկայք իրենց վկայութիւնը տալէ յետոյ սուտ խօսած ըլլալնին երեան ելնէ կամ իրենք խոստովանին, բայց առաջին վկայութեան վրայ դատարանէն որոշում՝ և վճիռ արուած ըլլայ, բայց 'ի պատժապարտութեան և խրատու խնդրոց մէջ, վճիռն չփոխուիր: Սակայն վկայք տուգանաց և պատժոյ ենթակայ լինելով կը դատապարտուին արդէն վճռեալ գումարը կամ դոյքը հանդերձ տոկոսեօք և դատական ծախիւք հատուցանելու : (Տես Մէջ. Յօդ. 80 և 1729) Այսու ամենայնիւ եթէ վըկայներն՝ յետ վճռոյ՝ նահանջեն կամ հակասութիւն վկայեն, զնասուց հատուցման չեն դատապարտուիր՝ եթէ արդէն վըճռեալ գումարին մնացորդն ենթակայ եղած արոց հաւասար է. իսկ թէ որ աւելորդ է, ընկրկող վկային կիյնայ՝ եթէ մէկ անձ մէկ, և հաւաքաբար՝ եթէ մէկն աւելի է : (Տես Մէջ. 1730)

Իսկ պատժոյ կամ խրատու մասին դալով՝ տես յետագայ յօդուածները (Յօդ. 103)

Յօդ. 98. Ով որ սոսկ քաղաքային, այսինքն՝ անհատական, ամուսնական և վարչական խնդիրներու մէջ սուտ վկայութեան յանցանք դործած ըլլայ, առանձիւն վեց ամիս և առ առաւելն տարի մը բանտարկութեամբ կը պատժուի : (Տես Ճէղա դան. Հիւմ. Յօդ. 209)

Յօդ. 99. Ով որ սուտ վկայութիւն ըրած և ատոր համար դրամ առած է պիտի դատապարտուի առածին կրկնապատիկը հատուցանելու և թէ՝ դրամը վճարողն և թէ՝ առնողն պիտի պատճուին՝ կաշառաբեկութեան վերաբերեալ օրինաց համեմատ տուգանք վճարելով և

շատ տարիներ բանտարկութեամբ, նաև  
պաշտօնանկութեամբ և յաւիտեանս պաշ-  
տօնազրկութեամբ՝ եթէ վարչութեան  
պաշտօնեայ է. (Տես ձեզա դան. Հիւմ:  
Յօդ. 240, նաև Յօդ. 67 մինչև 81)

Յօդ. 100. Ով որ բռնութեամբ ար-  
գիլած ըլլայ ճշմարիտ վկայութեան մը  
տրուիլը, կամ թախանձանօք սուտ վը-  
կայութիւն ընել տուած լինի. պիտի  
կը նոյն պատիմները, դորս վկայք կը  
կրեն իրենց մեղապարտութեանց աստի-  
ճաններուն համաձայն. (Տես Յօդ. 241  
ձեզա դան. Հիւմ:)

Յօդ. 101. Երբ քաղաքային խնդրոյ  
մը դատին մէջ, ամբաստանեալ անձն  
իրեն ձգուած երդումն ընդունելով սուտ  
խօսի և սուտ երդումն ըրած ըլլայ, կը  
դատապարտուի, առաջի հաստրակու-  
թեան հրապարակաւ յանդիմանութեան  
և միանգամայն առ նուազն վեց ամիս  
բանտարկութեան. (Յօդ. 242 ձեզա դան.  
Հիւմ:)

Յօդ. 102. (Բայուստան) միայն եկե-  
ղեցականք ազատ են հրապարակաւ յան-  
դիմանութենէ, ըստ արքունի հրամանի  
թուագրեալ 17 զիւհիճճէ 1278 կամ 2/4  
յունիս 1862. բայց ենթակայ են միւ՛  
պատիմներու, նաև սուդանաց եթէ  
դատապարտուին:

Յօդ. 103. Երբ դատի մը մէջ վկա-  
յութիւն ընող անձը սուտ խօսի և սոս-  
խօսութիւնն երեան ելնէ, իբր երդմնա-  
զանց և սուտ վկայ՝ միւս կողմին պատ-  
ճառած վկասուց և տուգանաց և ուրիշ  
պատժոց կ'ենթարկի. և նորա վկայու-  
թեան վրայ յենլով տրուած վճիռն ու-  
խնդիրն վերաքննելի կ'ըլլայ՝ թէ որ ըլլած

սուտ վկայութեան մէջ վկայները բերու-  
ղին մասնակից ըլլալն երեան ելնէ:

Յօդ. 104. Ի դատարան ներկայ գլու-  
նուող ունկնդիրք պարտաւոր են լուռ-  
թիւն պահել, քաղաքավարութեամբ  
վարուիլ և երբէք որ և է խօսքով կամ  
ցոյցով չմիջամտել դատավարութեան :  
Ասոր հակառակ վարուղներն ՚ի կարգ  
կը հրաւիրուին առաջին անգամուն, յան-  
դիմանութիւն կը կրեն՝ եթէ կրկնեն,  
իսկ եթէ դարձեալ շարունակեն օրինա-  
զանցութիւնը, դատարանէն դուրս հան-  
ուելու, նաև բանտարկութեան կը դա-  
տապարտուին՝ ըստ աստիճանի յանցա-  
նաց :

Յօդ. 105. Նախընթաց 52, 53, 56,  
57, 58, 62, 65, 68, 70, 72 և 74 և հե-  
տեւրդ յօդուածներն Աղդային կեդրո-  
նակոն սենեկաց և Բարձրագոյն դատա-  
րանի ատեաններուն առջև ալ գործադ-  
րելի են :

## ԳԼՈՒԽ ԵԶՐԱՆԵՐԱՐ

Երդման եղանակին վրայ

Յօդ. 106. Դատավճռոյ մը պատ-  
ճառներէն մէկն ալ երդում ընել կամ  
երդումէ ընկրկիլ կամ հրաժարելն է,  
ոյսինքն՝ երբ դատախազ մը անկարող է  
եւր դատը հաստատել, ըստ իւր պահանջ-  
ման՝ դատախազեալը երդումի կըքաշուի:

Բայց երբ մէկն ամբաստանուի՝ իբր  
փոխանորդ ուրիշ անձի մը՝ և ուրանայ  
երդման չներքեիր, նոյնպէս երբ անձ  
մը երկու տարբեր անձէ ամբաստանուի  
երբ թէ ձեռքերնին եղած ապրանքը նոյն  
ահձն դնած են, և նա մէկուն ծախած

ինելն հաստատէ բայց միւսինը ուրանայ  
որդումի չենթարկուիր : (Մէճ. 1742)

Յօդ. 107. Երբ ոսոխներէն մին երդ-  
քան ենթարկուի , յանուն Աստուծոյ պի-  
տի երդնու : (Մէճ. 1743)

Յօդ. 108. Միայն դատաւորի կամ  
նորա փոխանորդի ներկայութեան կրնայ  
երդումն լինիլ . ուրիշի ներկայութեան  
եղած երդումն կարեռութենէ զուրկ է :  
(Տես Մէճ. 1744)

Յօդ. 109. Դատական փոխանորդք  
կրնան ոսոխներուն երդում առաջարկել  
բայց երբ երդումն իրենց լինայ , փոխա-  
նորդք երդման չեն ներքեւիր , այլ գոր-  
ծին տէրն պէտք է երդնու : (Մէճ. 1745)

Յօդ. 110. Երդումը միայն ոսոխի մը  
պահանջմամբը կրնայ տեղի ունենալ .  
բայց յետագայ չորս պարագայներու  
մէջ՝ առանց ոսոխի պահանջման՝ երդում  
կ'առաջարկուի դատաւորի կողմէ .

Ա. Երբ մէկն ժառանգութենէ իր  
բաժնին ինկած իրաւունքը պահանջէ և  
հաստատէ , դատաւորն երդում կ'առա-  
ջարկէ դատախաղին՝ նոյն իրաւունքը  
վախճանեալէն որ և է եղանակաւ առած  
իրաւախոհ եղած կամ ուրիշի մը վրայ  
փոխանցած կամ ուրիշէ մը վճարեալ ,  
կամ նոյն իրաւանց փոխարէն հանդուց-  
եալէն դրաւ մը առած չըլլալուն :

Բ. Երբ մէկը ստացուածքի մը վրայ  
իրաւունք ձեռք բերէ և հաստատէ , նոյն  
ստացուածքը ո՛ւ և է մէկու մը ծախած  
կամ նուիրած և կամ ո՛ր և է եղանակաւ  
իւր ստացուածոց կարգէն հանած չըլ-  
լալուն :

Գ. Նոյնպէս երբ գնորդ մ'առած  
ապրանքը ունեցած թերութեան համար

մերժէ , դատաւորն երդում կառաջար-  
կէ մերժողին՝ նոյն ապրանքը՝ թերու-  
թիւնը դիտնալով հանդերձ դնած չըլ-  
լալուն , և կամ բանիւ կամ գործով գը-  
նած իրին հաւանութիւն տուած և զայն  
ընդունած չըլլալուն :

Դ. Նոյնպէս երբ կալուածակցի  
(շէֆիի) մը հետ դատ վարել հարկ լինի  
նոյն կալուածակիցն իր ունեցած իրաւ-  
ունքը , որ և է եղանակաւ ոչնչացուցած  
չըլլալուն համար : (Տես Մէճ. 1746)

Յօդ. 111. Առանց դատաւորէ եր-  
դում առաջարկուելու դատախաղեալի  
մը ըրած երդումն ընդունելի չէ , և  
հարկ է որ դարձեալ երդման հրաւիր-  
ուի դատաւորին կողմէ պաշտօնապէս :  
(Մէճ. 1747)

Յօդ. 112. Երբ մէկն իր գործած  
դործին համար երդման ներքեւի , գործն  
այնպէս դործած լինելուն կամ չըլլալուն  
վրայ՝ հաստատական կամ ժխտական  
վճռական կերպով երդման կը քաշուի ,  
բայց երբ ուրիշի գործած մէկ գործին  
համար երդման առաջարկ լինի . նոյն  
գործին տեղեկութիւն չունենալու միայն  
երդում կ'առաջարկուի : (Մէճ. 1748)

Յօդ. 113. Երդումն կամ 'ի պատ-  
ճառէ կամ յարդեանց կ'ըլլայ . Խնդրոյ  
մը գոյութեան կամ տեղի ունեցած ըլ-  
լալուն կամ չըլլալուն համար եղած եր-  
դումը 'ի պատճառէ է : Իսկ գործի մը  
գեռ ևս տեսական և մնայուն ըլլալուն  
կամ չըլլալուն համար եղած երդումը  
յարդեանց երդում կ'ըսուի : Օրինակի  
համար՝ առուծախի մը դատին մէջ նոյն  
առետուրն ընաւ տեղի ունեցած չըլլա-  
լուն համար եղած երդումը 'ի պատճա-

ոէ է . բայց առևտուրի մը դեռևս մը  
նայուն ըլլալուն կամ չըլլալուն համար  
եղած երդումը յարդեանց երդում է :  
(Մէճ. 1749)

Յօդ. 114. Խառն դատեր դիզուած  
ժամանակ մէկ երդումը բաւական է .  
իւրաքանչիւրի համար զատ զատ երդում  
առաջարկելու հարկ չկայ : (Մէճ. 1750)

Յօդ. 115. Գործառնական դատե-  
րու մէջ երբ մէկու մը երդում իյնայ և  
առաջարկուի . բայց նոյն անձն ըսէ բա-  
ցայայտ թէ , երդում չեմ ըներ կամ լը-  
ուութեամբն յայսնէ երդումէ հրաժա-  
րիլ , դատաւորը նորա ընկրկումին վրայ  
վճիռը կուտայ :

Վճիռն տրուելէ յետոյ երդումընե-  
լու յօժարութեան կարեորութիւն չի  
տրուիր և վճիռն հաստատուն կը մնայ :  
(Մէճ. 1751)

Յօդ. 116. Համրի մը՝ ծանօթ նշան-  
ներով ըրած երդումն կամ երդումընե-  
լէ ընկրկումն ընդունելի է : (Մէճ. 1752)  
և (Տես Յօդ. 82)


Յօդ. 117. Եթէ ամբաստանող մը ըը-  
նաւ վկայ չունիմ ըսելէ յետոյ՝ վկայ բե-  
րէ , կամ այս ինչ ու այնինչն զատ վե-  
կայ չունիմ ըսելէ ետքը՝ երդման համար  
ուրիշ վկայ ունիմ ըսէ . չկրնար ընդու-  
նելի ըլլալ : (Մէճէլլէ 1753)

18 Յուլիս 1881  
Պատրիարքարան Հայոց

Առաջարկ վարչուրեան Խորքրդոյ  
Դատական Խորհրդական  
ՍԵՐՈՎ. ԲԵ ԱԶՆԱԿԻՐ

Ամենայն միջազգայի համարական  
պրու լամայրիք թի մայդանափափ և լամանիք ել զի  
նայց մասդաշտուառ լուլը դիքաց անուատաք  
ով վիճակութիւն զման ուստի առաջարկացար  
առաջն միջամտածի նախ մայտանման այդմինի կա  
զմականաք լուլը մայթուարքա , և իւս զման վաղան  
պատ և մասմափ մասկոյ այսու և զմանելամանց այնոց  
ԱՄԵՐԻԿԱՆ ազգի մկրտ Շն իոյամանի գլուխ : Ֆրանկ  
լայք բանդար չ յանցած կը չ միշտցու

Համարական մասնիւուզն մայտանութեան միջամտածի  
պատման և զմանելամանց այնոց ամանուառ  
: մաս զմանիմ մայդանամ յոցի շահման մասնի  
ԺԱՄԱՆԱԿԱՐ, ՊԲԸ 1881. Ք. 20  
ԺԱՄԱՆԱԿԱՐ, Ք. 21



Դատաւորաց ստանձնած պաշտօնին ծանրութիւնն  
կը թեթևայ, և փափկութիւնն կը դիւրանայ, երբ  
դատաւորն ուշադիր ըլլայ դատասացներուն ըրած  
պաշտպանութեանց, անաչառութիւնը անդրդուելի լի-  
նի վիճովներու անձնական կամ վիճակային անհաւա-  
սարութեանց առջե, արդարութիւն ըլլայ դատաւորին  
ընելու քննութեանց և տալու որոշման կանոնն և ուղ-  
ղեցոյցն, երբէք չմոռնալով թէ՝ նոյն ինքն՝ ԱՍՏՈՒՄՈՅ  
օրէնքն է զոր կոչեալ է գործադրել:

Աղդային կեդրոնական վարչութեան Դատական  
գործոց Խորհրդականին ստորագրութիւնը, և Տեսչու-  
թեան կնիքը չկրող տետրերն անվաւեր են:

0.Զ.Գ. ԿԵԴՐ. Վ.Ա.ՐՉՈՒԹԵԱՆ  
ԴԱՏ. ԽՈՐՀՐԴԱԿՈՆ



ԱՐՅԱԳԻՒԹԱԿԱՆ ԳՐԱԴԱՐԱՆ



MAL001803

ԱՐՅԱԳԻՒԹԱԿԱՆ ԳՐԱԴԱՐԱՆ



MAL001721

ԱՐՅԱԳԻՒԹԱԿԱՆ ԳՐԱԴԱՐԱՆ



MAL002248

ԱՐՅԱԳԻՒԹԱԿԱՆ ԳՐԱԴԱՐԱՆ



MAL002247

ԱՐՅԱԳԻՒԹԱԿԱՆ ԳՐԱԴԱՐԱՆ



MAL002246

ԱՐՅԱԳԻՒԹԱԿԱՆ ԳՐԱԴԱՐԱՆ



MAL002245

ԱՐՅԱԳԻՒԹԱԿԱՆ ԳՐԱԴԱՐԱՆ



MAL002244

